

大佛頂首楞嚴經 卷八

⑤ 二明滅妄名眞立六十聖位轉依
號分三

⑥ 一總明三漸次爲能轉之行分二

⑦ 一結前生後分二

⑧ 一結前生類互具

辛二 明順修六十佛位
因果分二

壬一 明反妄正修三重
漸次分三

癸一 總標除妄須立三
漸次

阿難！如是衆生一一類中，亦各各具十二顛倒。猶如捏目，亂華發生。顛倒妙圓真淨明心，具足如斯虛妄亂想。

② 一生後對治法門

汝今修證佛三摩提，於是本因元所亂想，立三漸次，方得除滅。如淨器中除去毒蜜，以諸湯水並雜灰香洗滌其器，後貯甘露。

③ 二標列正明^{分三}

④ 一標列

云何名爲三種漸次？一者修習，除其助因，二者眞修，剷其正性，三者增進，違其現業。

⑤ 二正明^{分三}

癸二 別釋進修當依三漸次^{分三}

⑥ 一除助因

子一 修習除其助因

云何助因？阿難！如是世界十二類生，不能自全，依四食住。所謂段食、觸食、思食、識食。是故佛說一切衆生皆依食住。阿難！一切衆生，食甘故生，食毒故死。是諸衆生求三摩提，當斷世間五種辛菜。是五種辛，熟食發姪，生啖增恚。如是世界食辛之人，縱能宣說十二部經，十方天仙，嫌其臭穢，咸皆遠離。諸餓鬼等，因彼食次，舐其唇吻。常與鬼住，福德日銷，長無利益。是食辛人修三摩地，菩薩、天仙、十方善神，不來守護。大力魔王得其方便，現作佛身來爲說法，非毀禁戒，讚姪怒癡。命終自爲魔王眷屬，受魔福盡，墮無間獄。

阿難！修菩提者永斷五辛，是則名爲第一增進修行漸次。

①一 列正性

子一 眞修剷其正性

云何正性？阿難！如是衆生入三摩地，要先嚴持清淨戒律，永斷婬心，不餐酒肉；以火淨食，無啖生氣。

阿難！是修行人，若不斷婬及與殺生，出三界者，無有是處。當觀婬欲，猶如毒蛇；如見怨賊，先持聲聞四棄八棄，執身不動，後行菩薩清淨律儀，執心不起。禁戒成就，則於世間永無相生相殺之業；偷劫不行，無相負累，亦於世間不還宿債。是清淨人修三摩地，父母肉身，不須天眼，自然觀見十方世界。覩佛聞法，親奉聖旨。得大神通，遊十方界；宿命清淨，得無艱險。是則名爲第二增進修行漸次。

①二 違現業

子二 增進違其現業

云何現業？阿難！如是清淨持禁戒人，心無貪婬，於外六塵不多流逸。因不流逸，旋元自歸。塵既不緣，根無所偶。反流全一，六用不行。十方國土，皎然清淨，譬如瑠璃，內懸明月。身心快然，妙圓平等，獲大安隱。一切如來密圓淨妙，皆現其中，是人即獲無生法忍。從是漸修，隨所發行，安立聖位。是則名爲第三增進修行漸次。

②一 別明諸位次爲所轉之號^{分四}

壬二 明純眞妙修十二

單複^{分二}

⑧一 觀行轉依號

癸一 分示^八

子一 乾慧地

阿難！是善男子，欲愛乾枯，根境不偶。現前殘質，不復

續生。執心虛明，純是智慧。慧性明圓，瑩十方界。乾有其慧，名乾慧地。

子一 十信

欲習初乾，未與如來法流水接。

庚二相似轉依號

即以此心，中中流入，圓妙開敷；從真妙圓重發真妙。妙信常住。一切妄想滅盡無餘，中道純真，名信心住。

真信明了，一切圓通，陰處界三。不能爲礙。如是乃至過去未來無數劫中，捨身受身一切習氣，皆現在前。是善男子，皆能憶念。得無遺忘，名念心住。

妙圓純真，真精發化，無始習氣通一精明。唯以精明進趣真淨，名精進心。

心精現前，純以智慧，名慧心住。

執持智明，周徧寂湛；寂妙常凝，名定心住。

定光發明，明性深入；唯進無退，名不退心。

心進安然保持不失，十方如來氣分交接，名護法心。

覺明保持，能以妙力。迴佛慈光。向佛安住。猶如雙鏡。

光明相對，其中妙影。重重相入。名迴向心。

心光密迴，獲佛常凝無上妙淨。安住無爲，得無遺失，名戒心住。

住戒自在，能遊十方。所去隨願，名願心住。

庚二分證轉依號^{分五}

辛一明十住

子三 十住

阿難！是善男子，以真方便發此十心；心精發暉，十用涉

入，圓成一心。名發心住。

心中發明，如淨瑠璃內現精金，以前妙心，履以成地。名治地住。

心地涉知，俱得明了。遊履十方，得無留礙。名修行住。

行與佛同，受佛氣分，如中陰身自求父母，陰信冥通，入如來種。名生貴住。

既遊道胎，親奉覺胤，如胎已成，人相不缺。名方便具足住。

容貌如佛，心相亦同。名正心住。

身心合成，日益增長。名不退住。

十身靈相，一時具足。名童真住。

形成出胎，親爲佛子。名法王子住。

表以成人，如國大王以諸國事分委太子，彼刹利王世子長成，陳列灌頂。名灌頂住。

④二明十行

子四 十行

阿難！是善男子成佛子已，具足無量如來妙德，十方隨順，名歡喜行。

善能利益一切衆生，名饒益行。

自覺覺他，得無違拒，名無瞋恨行。

種類出生，窮未來際，三世平等，十方通達，名無盡行。

一切合同，種種法門，得無差誤，名離癡亂行。

則於同中，顯現群異，一一異相，各各見同，名善現行。

如是乃至十方虛空滿足微塵，一一塵中現十方界，現塵現界，不相留礙，名無著行。

種種現前，咸是第一波羅蜜多，名尊重行。

如是圓融，能成十方諸佛軌則，名善法行。

一一皆是清淨無漏，一真無爲，性本然故，名真實行。

⑧三明十向^{分二}

①一正明十向

子五 十迴向

阿難！是善男子，滿足神通。成佛事已，純潔精真。遠諸留患。當度衆生，滅除度相，迴無爲心向涅槃路。名救護一切衆生離衆生相迴向。

壞其可壞，遠離諸離，名不壞迴向。

本覺湛然，覺齊佛覺，名等一切佛迴向。

精真發明，地如佛地，名至一切處迴向。

世界如來，互相涉入，得無罣礙，名無盡功德藏迴向。

於同佛地，地中各各生清淨因，依因發揮，取涅槃道，名隨順平等善根迴向。

真根既成，十方衆生皆我本性，性圓成就，不失衆生。名隨順等觀一切衆生迴向。

即一切法，離一切相，唯即與離，二無所著，名眞如相迴向。

眞得所如，十方無礙，名無縛解脫迴向。

性德圓成，法界量滅，名法界無量迴向。

②二別明加行

子六 四加行

阿難！是善男子，盡是清淨四十一心，次成四種妙圓加行。

即以佛覺用爲己心，若出未出，猶如鑽火。欲然其木，名

爲煖地。

又以己心成佛所履，若依非依，如登高山，身入虛空，下有微礙；名爲頂地。

心佛二同，善得中道；如忍事人，非懷非出，名爲忍地。

數量銷滅，迷覺中道。二無所目；名世第一地。

☸四明十地

子七 十地

阿難！是善男子，於大菩提善得通達，覺通如來，盡佛境界；名歡喜地。

異性入同，同性亦滅；名離垢地。

淨極明生，名發光地。

明極覺滿，名燄慧地。

一切同異所不能至，名難勝地。

無爲眞如性淨明露，名現前地。

盡眞如際，名遠行地。

一眞如心，名不動地。

發眞如用，名善慧地。

阿難！是諸菩薩，從此已往，修習畢功，功德圓滿，亦目此地名修習位；

慈陰妙雲，覆涅槃海；名法雲地。

☸五明等覺

子八 等覺金剛心妙覺

如來逆流，如是菩薩順行而至，覺際入交，名爲等覺。

☸四究竟轉依號

阿難！從乾慧心至等覺已，是覺始獲金剛心中初乾慧地。

如是重重單復十二，方盡妙覺，成無上道。

癸二 結成

㊟二合結諸位次由三行而成^{分三}

㊟一總以止觀結

是種種地，皆以金剛觀察如幻十種深喻。奢摩他中，用諸如來毗婆舍那，清淨修證，漸次深入。

㊟二正以三行結

阿難！如是皆以三增進故，善能成就五十五位真菩提路。

㊟三復以邪正結

作是觀者名為正觀，若他觀者名為邪觀。』

㊟四結成經名以彰圓體圓宗圓用^{分二}

㊟一文殊問

丁二 結一經立五名

爾時，文殊師利法王子，在大眾中，即從座起，頂禮佛足

・而白佛言：『當何名是經？我及眾生云何奉持？』

㊟二如來答^{分二}

①一別答五名

佛告文殊師利：『是經名大佛頂悉怛多般怛羅無上寶印，十方如來清淨海眼。

亦名救護親因・度脫阿難・及此會中性比丘尼，得菩提心・入徧知海。

亦名如來密因・修證了義。

亦名大方廣妙蓮華王・十方佛母陀羅尼咒。

亦名灌頂章句，諸菩薩萬行首楞嚴。

②二總答奉持

汝當奉持！』

②五借破戒惡法爲問端。而廣示七趣

差別分二

④一申請分二

①一經家敘益

丙一保綏菩薩初心一分

丁一明七趣生報以匡
扶第二漸次分一

戊一請說業報令信一分

己一叙益躡請

說是語已，即時阿難及諸大眾得蒙如來開示密印般怛羅義，兼聞此經了義名目，頓悟禪那修進聖位增上妙理，心慮虛凝，斷除三界修心六品微細煩惱。

①一當機正請分二

④一讚謝

即從座起，頂禮佛足，合掌恭敬而白佛言：

『大威德世尊！慈音無遮，善開衆生微細沈惑，令我今日身心快然，得大饒益。

④一陳疑分三

②一總疑眞不容妄

世尊！若此妙明眞淨妙心。本來徧圓，如是乃至大地草木。蠕動含靈。本元眞如，即是如來成佛眞體。佛體眞實，云何復有地獄、餓鬼、畜生、修羅、人、天。等道？

世尊！此道爲復本來自有？爲是衆生妄習生起？

②一別疑地獄同別

世尊！如寶蓮香比丘尼持菩薩戒。私行姪欲，妄言行姪非殺非偷。無有業報，發是語已，先於女根生大猛火，後於

節節猛火燒然，墮無間獄。瑠璃大王，善星比丘，瑠璃爲誅瞿曇族姓，善星妄說一切法空，生身陷入阿鼻地獄。此諸地獄，爲有定處？爲復自然？彼彼發業，各各私受。

㊟二結請決定開示

惟垂大慈，開發童蒙，令諸一切持戒衆生聞決定義，歡喜頂戴，謹潔無犯。』

㊟二示答^{分二}

己一 嘉許詳說^{分一}

①一讚許

庚一 嘉許

佛告阿難：『快哉此問！令諸衆生不入邪見。汝今諦聽！當爲汝說。』

①二正說^{分三}

㊟一總明二分^{分三}

庚一 詳說^{分一}

㊟一約迷真雙標

辛一 略以情想明

阿難！一切衆生實本真淨，因彼妄見，有妄習生。因此分開內分外分：

㊟二約情想別示

阿難！內分即是衆生分內，因諸愛染發起妄情，情積不休，能生愛水。是故衆生，心憶珍羞，口中水出；心憶前人，或憐或恨，目中淚盈；貪求財寶，心發愛涎，舉體光潤；心著行姪，男女二根自然流液。阿難！諸愛雖別，流結是同。潤濕不升，自然從墜。此名內分。

阿難！外分即是衆生分外，因諸渴仰發明虛想，想積不休，能生勝氣。是故衆生，心持禁戒，舉身輕清；心持咒印，顧盼雄毅；心欲生天，夢想飛舉；心存佛國，聖境冥現

；事善知識，自輕身命。

阿難！諸想雖別，輕舉是同。飛動不沈，自然超越。此名
外分。

②三明純雜昇沈^{分二}

⑧一正明昇沈

阿難！一切世間生死相續，生從順習，死從變流。臨命終
時未捨煖觸，一生善惡俱時頓現，死逆生順二習相交。

純想即飛，必生天上。若飛心中兼福兼慧及與淨願，自然
心開見十方佛，一切淨土隨願往生。

情少想多，輕舉非遠。即爲飛仙、大力鬼王、飛行夜叉、
地行羅刹，遊於四天，所去無礙。其中若有善願善心護持
我法，或護禁戒，隨持戒人，或護神咒，隨持咒者，或護

禪定，保綏法忍，是等親住如來座下。

情想均等，不飛不墜，生於人間；想明斯聰，情幽斯鈍。

情多想少，流入橫生，重爲毛群，輕爲羽族。

七情三想，沈下水輪，生於火際，受氣猛火，身爲餓鬼，
常被焚燒，水能害己，無食無飲經百千劫。

九情一想，下洞火輪，身入風火二交過地，輕生有間，重
生無間，二種地獄。

純情即沈，入阿鼻獄。若沈心中有謗大乘，毀佛禁戒，誑
妄說法，虛貪信施，濫膺恭敬，五逆十重，更生十方阿鼻
地獄。

⑧二結答同別

循造惡業，雖則自招，衆同分中兼有元地。

⑤ 一別示七趣^{分七}

辛二 廣以業報明^{分八}

⑥ 一示地獄趣^{分三}

壬一 就人間惡業而明
招地獄報^{分三}

⑦ 一總標

癸一 躡起

阿難！此等皆是彼諸衆生自業所感，造十習因，受六交報。

⑧ 一別釋^{分二}

癸二 徵解^{分一}

⑨ 一明十因

子一 十習因

云何十因？阿難！一者，婬習交接。發於相磨。研磨不休，如是故有大猛火光於中發動。如人以手自相摩觸。煖相現前。二習相然，故有鐵床銅柱諸事。是故十方一切如來，色目行婬同名欲火；菩薩見欲，如避火坑。

二者，貪習交計。發於相吸。吸攬不止，如是故有積寒堅冰於中凍冽。如人以口吸縮風氣。有冷觸生。三習相陵，故有吒吒波波羅羅。青赤白蓮寒冰等事。是故十方一切如來，色目多求同名貪水；菩薩見貪，如避瘴海。

三者，慢習交陵。發於相恃。馳流不息，如是故有騰逸奔波。積波爲水。如人口舌自相綿味。因而水發。四習相鼓，故有血河、灰河、熱沙、毒海、融銅灌吞諸事。是故十方一切如來，色目我慢名飲癡水；菩薩見慢，如避巨溺。

四者，瞋習交衝。發於相忤。忤結不息，心熱發火，鑄氣爲金。如是故有刀山、鐵檣、劍樹、劍輪、斧鉞、鎗鋸。如人銜冤。殺氣飛動。五習相擊，故有宮割斬斫剉刺槌擊諸事。是故十方一切如來，色目瞋恚名利刀劍；菩薩見瞋

，如避誅戮。

五者，詐習交誘，發於相調。引起不住，如是故有繩木絞校。如水浸田，草木生長。二習相延，故有杻械枷鎖鞭杖撻棒諸事。是故十方一切如來，色目奸偽同名讒賊；菩薩見詐，如畏豺狼。

六者，誑習交欺，發於相罔。誣罔不止，飛心造奸。如是故有塵土、屎尿，穢汙不淨。如塵隨風，各無所見。二習相加，故有沒溺騰擲，飛墜漂淪諸事。是十方一切如來，色目欺誑同名劫殺；菩薩見誑，如踐蛇虺。

七者，怨習交嫌，發於銜恨。如是故有飛石投礮，匣貯車檻，甕盛囊撲。如陰毒人懷抱畜惡。二習相吞，故有投擲擒捉擊射拋撮諸事。是故十方一切如來，色目怨家名違害

鬼；菩薩見怨，如飲鴆酒。

八者，見習交明，如薩迦耶見戒禁取邪悟諸業，發於違拒，出生相反。如是故有王使主吏證執文籍。如行路人來往相見。二習相交，故有勘問權詐，考訊推鞠，察訪披究照明。善惡童子手執文簿辭辯諸事。是故十方一切如來，色目惡見同名見坑；菩薩見諸虛妄偏執，如臨毒壑。

九者，枉習交加，發於誣謗。如是故有合山合石，碾磑耕磨。如讒賊人逼枉良善。二習相排，故有押捺撻按，蹙漻衡度諸事。是故十方一切如來，色目怨謗同名讒虎；菩薩見枉，如遭霹靂。

十者，訟習交誼，發於藏覆。如是故有鑑見照燭。如於日中不能藏影。二習相陳，故有惡友業鏡，火珠披露，宿業

對驗諸事。是故十方一切如來，色目覆藏同名陰賊，菩薩觀覆，如戴高山履於巨海。

② 二明六報

子一 六交報

云何六報？阿難！一切衆生六識造業，所招惡報從六根出。

云何惡報從六根出？

一者，見報招引惡果。此見業交，則臨終時先見猛火滿十方界，亡者神識飛墜乘煙入無間獄。發明二相：一者明見，則能徧見種種惡物，生無量畏。二者暗見，寂然不見，生無量恐。如是見火，燒聽，能爲鑊湯烓銅，燒息，能爲黑煙紫燄，燒味，能爲焦丸鐵糜，燒觸，能爲熱灰爐炭，燒心，能生星火迸灑，煽鼓空界。

二者，聞報招引惡果。此聞業交，則臨終時先見波濤沒溺天地，亡者神識降注乘流入無間獄。發明二相：一者開聽，聽種種鬧，精神愁亂。二者閉聽，寂無所聞，幽魄沈沒。如是聞波，注聞，則能爲責爲詰，注見，則能爲雷爲吼爲惡毒氣，注息，則能爲雨爲霧灑諸毒蟲周滿身體，注味，則能爲膿爲血種種雜穢，注觸，則能爲畜爲鬼爲糞爲尿，注意，則能爲電爲雹摧碎心魄。

三者，嗅報招引惡果。此嗅業交，則臨終時先見毒氣充塞遠近，亡者神識從地踊出，入無間獄。發明二相：一者通聞，被諸惡氣熏極心擾。二者塞聞，氣掩不通，悶絕於地。如是嗅氣，衝息，則能爲質爲履，衝見，則能爲火爲炬，衝聽，則能爲沒爲溺爲洋爲沸，衝味，則能爲餒爲爽，

衝觸・則能爲綻爲爛爲大肉山・有百千眼・無量呬食・衝思・則能爲灰爲瘡爲飛砂礮・擊碎身體。

四者，味報招引惡果。此味業交，則臨終時先見鐵網猛燄熾烈・周覆世界，亡者神識下透挂網倒懸其頭入無間獄。發明二相：一者吸氣，結成寒冰・凍裂身肉。二者吐氣，飛爲猛火・焦爛骨髓。如是嘗味，歷嘗・則能爲承爲忍，歷見・則能爲然金石，歷聽・則能爲利兵刃，歷息・則能爲大鐵籠・彌覆國土，歷觸・則能爲弓爲箭爲弩爲射，歷思・則能爲飛熱鐵從空雨下。

五者，觸報招引惡果。此觸業交，則臨終時先見大山四面來合・無復出路，亡者神識見大鐵城火蛇火狗虎狼師子・牛頭獄卒馬頭羅刹手執鎗稍・驅入城門向無間獄。發明二

相：一者合觸，合山逼體・骨肉血潰。二者離觸，刀劍觸身・心肝屠裂。如是合觸，歷觸・則能爲撞爲擊爲刺爲射，歷見・則能爲燒爲熱，歷聽・則能爲道爲觀爲廳爲案，歷息・則能爲括爲袋爲考爲縛，歷嘗則能爲耕爲鋤爲斬爲截，歷思・則能爲墜爲飛爲煎爲炙。

六者，思報招引惡果。此思業交，則臨終時先見惡風吹壞國土，亡者神識被吹上空旋落乘風墮無間獄。發明二相：一者不覺，迷極則荒・奔走不息。二者不迷，覺知則苦・無量煎燒痛深難忍。如是邪思，結思・則能爲方爲所，結見・則能爲鑒爲證，結聽・則能爲大合石爲冰爲霜爲土爲霧，結息・則能爲大火車火船火檻，結嘗・則能爲大叫喚爲悔爲泣，結觸・則能爲大爲小爲一日中萬生萬死，爲僵

爲仰。

庚三總結

癸三 結判

阿難！是名地獄十因六果。皆是衆生迷妄所造。若諸衆生惡業同造，入阿鼻獄。受無量苦。經無量劫。六根各造及彼所作兼境兼根，是人則入八無間獄。身口意三，作殺盜姪，是人則入十八地獄。三業不兼，中間或爲一殺一盜，是人則入三十六地獄。見見一根，單犯一業，是人則入一百八地獄。由是衆生別作別造，於世界中入同分地。妄想發生，非本來有。

己二示餓鬼趣分三

壬一 就地獄餘業而明招餓鬼報

庚一 總標

復次，阿難！是諸衆生，非破律儀。犯菩薩戒。毀佛涅槃。諸餘雜業，歷劫燒然，後還罪畢，受諸鬼形。

庚二別顯

若於本因貪物爲罪，是人罪畢，遇物成形，名爲怪鬼。
貪色爲罪，是人罪畢，遇風成形，名爲魃鬼。
貪惑爲罪，是人罪畢，遇畜成形，名爲魅鬼。
貪恨爲罪，是人罪畢，遇蟲成形，名爲蠱毒鬼。
貪憶爲罪，是人罪畢，遇衰成形，名爲癘鬼。
貪傲爲罪，是人罪畢，遇氣成形，名爲餓鬼。
貪罔爲罪，是人罪畢，遇幽爲形，名爲魘鬼。
貪明爲罪，是人罪畢，遇精爲形，名魍魎鬼。
貪成爲罪，是人罪畢，遇明爲形，名役使鬼。

貪黨爲罪，是人罪畢，遇人爲形，名傳送鬼。

⑧三結示

阿難！是人皆以純情墜落，業火燒乾，上出爲鬼。此等皆是自妄想業之所招引。若悟菩提，則妙圓明本無所有。

⑨三示畜生趣^{分三}

壬三 就餓鬼業盡須償
宿債而明招畜生
報

⑩一總標

復次，阿難！鬼業既盡則情與想二俱成空，方於世間與元負人怨對相值，身爲畜生。酬其宿債。

⑪二別顯

物怪之鬼，物銷報盡，生於世間，多爲梟類。

風魃之鬼，風銷報盡，生於世間，多爲咎徵一切異類。

畜魅之鬼，畜死報盡，生於世間，多爲狐類。

蟲蠱之鬼，蠱滅報盡，生於世間，多爲毒類。

衰癘之鬼，衰窮報盡，生於世間，多爲蛔類。

受氣之鬼，氣銷報盡，生於世間，多爲食類。

絛幽之鬼，幽銷報盡，生於世間，多爲服類。

和精之鬼，和銷報盡，生於世間，多爲應類。

明靈之鬼，明滅報盡，生於世間，多爲休徵一切諸類。

依人之鬼，人亡報盡，生於世間，多爲循類。

⑫三結示

阿難！是等皆以業火乾枯，酬其宿債，傍爲畜生。此等亦皆自虛妄業之所招引。若悟菩提，則此妄緣本無所有。如

汝所言寶蓮香等及瑠璃王、善星比丘，如是惡業。本自發明，非從天降，亦非地出，亦非人與。自妄所招，還自來受。菩提心中，皆爲浮虛妄想凝結。

①四示人趣^{分三}

王四 就畜生業盡轉生
人間而猶帶餘習

庚 一 總標

復次，阿難！從是畜生酬償先債，若彼酬者分越所酬，此等衆生還復爲人。反徵其剩。如彼有力兼有福德，則於人中不捨人身。酬還彼力；若無福者，還爲畜生。償彼餘直。阿難當知！若用錢物或役其力，償足自停。如於中間殺彼身命或食其肉，如是乃至經微塵劫，相食相誅，猶如轉輪，互爲高下，無有休息，除奢摩他及佛出世，不可停寢。

。

庚 二 別顯

汝今應知：

彼梟倫者，酬足復形，生人道中，參合頑類。

彼咎徵者，酬足復形，生人道中，參合異類。

彼狐倫者，酬足復形，生人道中，參於庸類。

彼毒倫者，酬足復形，生人道中，參合狠類。

彼蛔倫者，酬足復形，生人道中，參合微類。

彼食倫者，酬足復形，生人道中，參合柔類。

彼服倫者，酬足復形，生人道中，參合勞類。

彼應倫者，酬足復形，生人道中，參於文類。

彼休徵者，酬足復形，生人道中，參合明類。

彼諸循論，酬足復形，生人道中，參於達類。

庚二結示

阿難！是等皆以宿債畢酬，復形人道，皆無始來業計顛倒，相生相殺，不遇如來，不聞正法，於塵勞中法爾輪轉，此輩名為可憐愍者。

己五示仙趣分三

壬五 就世人妄念別修
而明十種仙趣

庚一總標

阿難！復有從人，不依正覺修三摩地。別修妄念，存想固形。遊於山林人不及處，有十種仙。

庚二別顯

阿難！彼諸衆生：

堅固服餌而不休息，食道圓成，名地行仙。
堅固草木而不休息，藥道圓成，名飛行仙。
堅固金石而不休息，化道圓成，名遊行仙。
堅固動止而不休息，氣精圓成，名空行仙。
堅固津液而不休息，潤德圓成，名天行仙。
堅固精色而不休息，吸粹圓成，名通行仙。
堅固咒禁而不休息，術法圓成，名道行仙。
堅固思念而不休息，思憶圓成，名照行仙。
堅固交遘而不休息，感應圓成，名精行仙。
堅固變化而不休息，覺悟圓成，名絕行仙。

庚二結示

阿難！是等皆於人中鍊心，不修正覺。別得生理，壽千萬

歲。休止深山或大海島，絕於人境。斯亦輪迴妄想流轉，不修三昧，報盡還來，散入諸趣。

②六示天趣^{分二}

王六 就人世淫戒漸淨
而明六欲天趣

庚一別示諸天^{分三}

辛一欲界^{分三}

壬一總標欲天之因

阿難！諸世間人，不求常住，未能捨諸妻妾恩愛，

壬二別示六天之相^{分六}

癸一四天王天

於邪淫中，心不流逸，澄瑩生明。命終之後，鄰於日月。如是一類，名四天王天。

癸二忉利天

於己妻房，姪愛微薄。於淨居時，不得全味。命終之後超日月明，居人間頂。如是一類，名忉利天。

癸三須燄摩天

逢欲暫交，去無思憶，於人間世動少靜多。命終之後，於虛空中朗然安住。日月光明上照不及，是諸人等自有光明。如是一類，名須燄摩天。

癸四兜率陀天

一切時靜，有應觸來，未能違戾。命終之後，上昇精微，不接下界諸人天境。乃至劫壞，三災不及。如是一類，名兜率陀天。

癸五樂變化天

我無欲心，應汝行事；於橫陳時，味如嚼蠟。命終之後，生越化地。如是一類，名樂變化天。

⑥六他化自在天

無世間心，同世行事；於行事交，了然超越。命終之後，徧能出超化無化境。如是一類，名他化自在天。

⑦三結成欲界之名

阿難！如是六天，形雖出動，心跡尚交。自此已還，名爲欲界。

大佛頂首楞嚴經 卷八